


# **MALIN NAXAN KELIMA ALLA YI**



**Gbukuni ito naxan xili, “Malin naxan kelima Alla yi, ” nxu bata a ra fala. Nxu bata woresseni ito birin malan e bode xɔn ma amasɔtɔ e falan xɔnna birin keden. E tugunxi e bode ra, e i malima nen i ai gbɛ.**

**Muxun naxe waxi a xɔn ma e xa tinxin Alla yeraɪ yati, “Mali falani ito birin” e malima nen. Awa, muxun na denkeleya Mari Yesu Kraisti ma, i tubi, i haɓɓen yiba, i Mari Yesu ra suxu i bɔnyɛni, Mari Yesu a nyetɛ yitama i ra nen, a yi i ra kisi. I bɔnyɛ xunbenla nun sewan sɔtɔma nen. Awa n bata findi denkeleya muxun na waxati xun kuye, 1937. Fɔlɔ na waxatina han iki n nya n Marigin batuma. Awa, xa i munma yi fa Mari ma singen, i xa fa a fɛma iki.**

**—Watson Goodman (1920-2002)**

# **ALLA BATA EN XANU**

## **Rome Kane 5:8**

**Kɔni Alla en xanuxi ki naxanyi, a bata na yita en na. Nanara hakena en ma waxatin naxanyi, Yesu Kraisti bata faxa en hakena fe ra.**

## **Yɔni 13:1**

**Nba, a bata lu soqe keden Dangu Xunna Mallanna xa a li. Yesu a kolon fa fala a waxatin bata a li dulunyai, siga a Fafe Alla konni. A gbe muxun naxe dulunyai, a bata ne xanu waxati birin han a dangu ai.**

## **Lankenemaya 1:5-6**

**Enun Yesu Kraisti yi naxan lannaya sere singen na. Ata nan singe kelixi sayani barinne tagi. A kuntigiyan ligama dulunya mangane xun na. A bata en xanu a yi en xarɔya en hakena ma a sayan xɔn ma, a yi en findi mangaya saraxaraline ra, en wanla ke a Fafe Alla xa. Binyen nun senben xa fi Yesu Kraisti ma habadan! Amina.**

## **Yɔni 3:16**

**Amasɔtɔ Alla bata dulunya xanu han a bata a Di Xeme keden pen fi en ma nanara muxu yo na denkeleya a ma, a mi halige fɔ a habadan niin sɔtɔ.**

## **Yeremaiya 31:3**

**Marigin bata a nyete yita ntan na yire ma kuyei. A naxa, N bata yi i xanu nun, na xanuntenyan mi nyanye habadan. Nanara n bata i ma so n na xanuntenyani enun n ma muxu fanyiyani.**

# **YESU KRAISTI ALLAYANA FE**

## **1 Timoti 3:16**

**En ma diinan wundo fen gbo, muxu yo mi nœ a tandɛ fa fala a mi gbo. A mini kenenni danyɔxɔ maligani, A yo sɔtɔ Alla a Nii Sarinyanxin xɔn ma, Malekane yi a to. A fe yi ra li Siya Gbetene fan ma. Nyama yi denkeleya a ma dulunyai. A ra te ariyannai.**

## **Matiyu 1:22, 23**

**Nba, ito birin ligaxi nen nanara Marigin naxan falaxi a nabin xɔn ma a naxan kamali, a naxa, “Sungutunatixin fudikanma nen, a di xɛmɛn sɔtɔ. A xili sama nen Emanuweli,” (na bunna fa fala, “Alla en tagi”).**

## **Yɔni 14:9, 10a**

**Yesu yi a yabi, a naxa, “Filipi, en bata bu en bode fema kati! Han to, i mi n kolon? Muxu yo na n to, na kanna bata Fafe Alla to. Itan a falama nanfera fa fala a n xa Fafe Alla yita ɛ ra? Filipi, i mi denkeleyaxi ba, fa fala n nya n Fafe Allai, n Fafe Alla ntan fanyi?”**

## **Yɔni 1:1 enun 14**

**Benun dulunya xa da, Falan na. Falan nun Alla e bode fema. Falana, Alla na a ra. Falan yi findi muxun na, a dɔxɔ en tagi. Nxu bata a binyen to. A lugoxi nɛman nun nyɛndin na. Alla bata binyen fi a ma amasɔtɔ Alla Di Xɛmɛn na a ra.**

# **MARI YESU ALLA DI XEMEN NA A RA**

## **1 Yəni 4:15**

**Naxan na a tiye ra fa fala Yesu Alla a Di Xemen na a ra, na kanna Allai, Alla fan na kanna bonyeni.**

## **Kolosi Kane 2:9**

**Amasəto Allayan kamalixi Kraistiyi a muxuyani.**

## **Isaiya 9:6**

**Din bata xali en tagi! Na Di Xemen bata fi en ma! Ata nan en ma mangan na. E a xili bama “Kabana Fe Maxaditina,” enun “Alla Senbe Kanna,” enun “Habadan Fafe,” enun “Bonye Xunbenla Kanna.”**

## **Luka 1:35**

**Malekan yi a yabi, a naxa, “Alla a Nii Sarinyanxin godoma nen i xun ma, Alla a senben godoma nen i xun ma. Nanara na di Sarinyanxina, a xili bama nen Alla Di Xemena.”**

## **Matiyu 17:5**

**A falan tima waxatin naxanyi, kundan yi godo e xun ma, a fixa, a yilenma. Fala xuini yi mini na kundani, a naxa, “N na fan Di Xemen nan ito ra naxan bata n kenən ki fanyi, e tuli ma ti a xuina!”**

## **Matiyu 8:29**

**E sənxe kati, e naxa, “Alla a Di Xemena, i nanse fenma nxu fema? I bata fa nxu tərə deni benun a waxatin nyeten xa li ba?”**

# **MARI YESU ITO NAN FALAXI A NYETE FEI**

## **Yəni 8:23**

**Yesu yi e yabi, a naxa, “Dulunya gbe nan etan na kəni ntan kelixi kore xənna nan ma. Etan kelixi dulunya itoi kəni ntan mi kelixi dulunya itoi.**

## **Yəni 11:25**

**Yesu yi a fala a xa, a naxa, “Nta nan barinne ra kelima sayani, n niin fi e ma. Naxan na denkeleya n ma hali a faxaxin na a ra, a niin biramai nen sənən.**

## **Yəni 13:13**

**A naxa, “E n xilima fa fala Karaməxo enun Marigina. Na falan lanxi amasəto na nan ntan na.**

## **Yəni 9:5**

**N dulunyai waxatin naxanyi, dulunya kenenna nan ntan na.**

## **Yəni 6:35**

**Yesu yi a fala e xa, a naxa, “Habadan niin bire-din nan ntan na naxan habadan niin fima muxun birin ma. Muxu yo fa ntan ma, kamen mi na suxe mume! Muxu yo denkeleya ntan ma, min xənla mi na suxe mume!**

## **Yəni 8:58**

**Yesu yi e yabi, a naxa, “N xa nyəndin fala e xa benum Ebrahama xa sətə waxatin naxanyi, ntan na.”**

## **Yəni 10:7**

**Nanara Yesu yi a fala e xa sənən, a naxa, “N xa nyəndin fala e xa, yexəene deen nan ntan na.”**

# MARI YESU YI KABANA FENE LIGA

## Matiyu 14:19-21

A yi a fala nyama xa, a e xa dɔxɔ sexɛn fari. Na xanbira a bireɗi sulunna nun yɛxɛ firinna tongo, a yɛn dɔxɔ kore, a barikan bira Alla xa. A bireɗi sulunni gira, a yi a so a xarandine yi. Xarandine yi a so nyama yi. Muxun birin yi e dɛge, e lugo kati! A dungin naxan lu, xarandine yi debe fun nun firin na fe na ra. Xɛmɛn naxe na don, nyaxanle mi saxi e fari enun didine, muxu wuli sulun nyɔxɔn.

## Luka 5:5, 6

Simɔn yi a yabi, a naxa, “Karamɔxɔ, nxu bata wali kwɛɛn na kati! Nxu mi se se suxu kɔni xa i bata a fala na kini, n yalanne ra godoma nɛn.” E yalanne ra godo yigeni, e yɛxɛ wuyaxi suxu han yalanne yi fɔlɔ yi bɔi.

## Matiyu 20:30 enun 34

Danxutɔ firinna naxe dɔxi kiran na, e yi a mɛ a Yesu danguma nanara e gbelegbele, e naxa, “Nxu fafe, kininkinin nxu ma, Debidi a Di Xɛmɛna!” Yesu yi kininkinin e ma, a yin din e yɛn na. E yɛn yi ra bi mafuren, e sen to, e bira Yesu fɔxɔ ra.

## Matiyu 21:19

A yi xɔdɛ binla to kiran dɛxɔn ma, a sa a li, kɔni a mi a bogi yo li a ra fɔ a dɛna. Nanara a yi a fala xɔdɛ binla ma, a naxa, “Itan mi boge sɔnɔn mumɛ!” Awa, na waxatin nyɛtɛni xɔdɛ binla yi xara mafuren!

# **NAXAN DULUNYA DAXI MARI YESU KRAISTI NAN NA A RA**

## **Kolosi Kane 1:16**

**Amasoto Alla bata sen birin da atan barakani kore xonna nun dulunya itoi, sen naxe toma, enun naxe mi toma enun Setani mangayan senben naxe mi toma kore enun kuntigine enun sarati kanne. Alla sen birin daxi ata nan barakai enun atan xa.**

## **Hiburune 1:2**

**Koni a bata falan ti entan xa waxati ra nyanni itoi, a a Di Xemen barakani. Alla yi dulunya da a barakani, a yi a findi sen birin kanna ra.**

## **Rome Kane 14:9**

**Amasoto Yesu Kraisti faxaxi nen, a keli sayani ito nan ma fe ra, a findi en Marigin na kende muxune nun faxa muxune xa.**

## **Yoni 1:3**

**Alla sen birin daxi Ata nan yi. Alla mi se se daxi Atan xanbi.**

## **Xerane Gbe Kewanle 2:36**

**“Awa, Isirela muxune xa ito kolon yati, a e Yesu naxan gbangbanxi wudin ma, na ni ito ra, Alla bata naxan findi Marigin nun Kraisti ra.”**

## **1 Korenti Kane 1:9**

**Alla nan lannaya muxun na naxan e xilixi, a yi e findi a Di Xemen na en Marigina Yesu Kraisti lanfane ra.**



# **YESU KRAISTI NAN MUXUN BIRIN KITIMA**

**Rome Kane 14:10**

**Itan di, i nga xa kedenna yalagima nanfera? Itan fan di, i nga xa kedenna ra nyaxuma nanfera? En birin tiye Alla kiti sa den ye tagi.**

**Matiyu 25:32**

**Dulunya muxun birin ma lanma nen a ye tagi. A yi e taxun kuru firin na ra alo yexee kantanna yexee ne nun siine yi taxuma kin naxanyi.**

**Yoni 5:22**

**Fafe Alla mi muxu yo kiti bolonma. A bata kiti bolonna senben fi a a Di Xemen ma.**

**Rome Kane 2:16**

**A ligama ikini na ləxəni alo n Kibaru Fanyin na lima e ma kin naxanyi. Muxun fen naxan ligama suturani, Alla na Yesu Kraisti ra fa waxatin naxanyi kiti bolon deni, a ne ra minima nen kenenni.**

**2 Timoti 4:1**

**N nya i yamarima Alla ye tagi, enun Yesu Kraisti naxan muxun birin kitin bolonma enun kende muxune enun barinne enun a fa fena fe ra enun a mangayana fe ra.**

**Xerane Gbe Kewanle 10:42**

**A yi nxu yamari, a nxu xa Kibaru Fanyin kawandin ti muxun birin xa, a nxu xa seren ba nyama xa. Alla bata a ra gidi Mari Yesu ma, a faxe muxune nun kende muxune kitin sa.**

# **MARI YESU NAN TUN EN XUNBAXI**

## **Hiburune 5:9**

**Alla to a yita fa fala a kamalixi, a yi a findi habadan kisi fen fi muxun na e birin xa naxe a falan suxuma.**

## **Hiburune 7:25**

**Nanara naxe fama Alla ma atan xən ma, a nəe ne kise waxati birin amasəto a nii nai habadan, a Alla ma xandima ne xa.**

## **Xerane Gbe Kewanle 4:12**

**Muxu yo mi kise se gbete xən ma amasəto xili gbete yo mi dulunyai, Alla naxan fixi muxune ma en kisima naxan xən ma.**

## **Yəni 10:9**

**Dəen nan ntan na. Muxu yo so ntan xən ma, na kisima nən. A so nun mini tima nən, a yi a dege den sətə.**

## **Yəni 14:6**

**Yesu yi a yabi, a naxa, “Kiran nan ntan na siga ariyannai, enun nyəndina enun habadan niina. Muxu yo mi sigə n Fafe Alla konni fə a lu ntan fəxə ra.”**

## **Yəni 8:24**

**Nanara n nya a falaxi ε xa fa fala ε faxama nən hakena ε ma. Nba, xa ε mi denkeleya ntan ma fa fala 'Ata nan Ntan na,' ε faxama nən hakena ε ma yati!**

# MARI YESU NAN TUN EN XUNBAXI

## Kolosi Kane 1:12-14

Ɛ xa barikan bira Fafe Alla xa sewani naxan ɛi tɔnxi, a en xa en gben sɔtɔ, a naxan maraxi denkeleya muxune xa naxe kenenna mangayani. Amasɔtɔ a bata en na tanga dimin senben ma, a fa en na a ra fan Di Xeme keden pe na Mangayani naxan en xunba, a yi en ma fe lu en haken ma.

## Luka 19:10

Amasɔtɔ muxun naxan tunuxi, Muxun Di Xemen bata fa na fen deni, a yi a ra kisi.

## 1 Kɔrenti Kane 1:30

Kɔni Alla bata ɛ findi muxu keden na a ra Yesu Kraistiyi. Alla bata Kraisti findi en xaxinla ra. Alla bata en na tinxin a yeraɪ Yesu Kraisti xɔn ma. En bata findi Alla muxune ra, en bata xɔrɔya.

## Taita 2:14

A bata a nyetɛ fi en ma fe ra, a yi en kisi fe nyaxin birin ma, a yi en findi muxu sarinyanxin na a nyetɛ xa fe fanyin liga xɔnla entan naxan ma.

## Lankenemaya 5:9

E yi beti nenen ba, e naxa, “I lan i xa Kitabun tongo, i taxamasen na ba a ma. Amasɔtɔ e bata i faxesa nun, i bata muxune sara Alla xa i ya sayan xɔn ma, keli bɔnsɔnna birinyi, enun xuin birinyi enun muxun birinyi enun siyan birinyi.

## Rome Kane 3:24

Kɔni Alla muxune ra tinxinma nen a yeraɪ a neman xɔn ma, Yesu Kraisti barakani a naxan fixi en ma. A sare mu na, na e xɔrɔyama nen.

# **EN KISIXI YESU KRAISTI WUNLA NAN XON MA**

## **Rome Kane 5:9**

**En bata tinxin Alla yerai Yesu wunla xon ma iki. Naxan mon dangu na ra sonon, en kisima nen Alla gbe xolon ma atan xon ma.**

## **Efesa Kane 1:7**

**Amasoto en bata xoroya Kraisti wunla xon ma, en haken bata ma fe lu. Alla a neman naxan fixi en ma, na gbo kati!**

## **1 Yoni 1:7**

**Koni xa en lu kenenni alo atan kenenni kin naxanyi, en bata nga xa kedenyan liga nai. Alla a Di Xemena Yesu wunla en sarinyanma nen nai. A yi en ba en ma haken birinyi.**

## **1 Pita 1:18, 19**

**Amasoto e a kolon Alla e xoroyaxi e benbane gbe namun fu naxan ma, Alla bata dee xodexen fi na ra, a saren gbo. A mi ligaxi alo sare sen bonne kin naxanyi, alo kabirin fixena hanma xemana naxan kala daxi a ra. E xoroyaxi saraxa dee xodexen nan xon ma, Yesu Kraisti wunla nan na ra, naxan ligaxi alo yexee dina, fe mi naxan na.**

## **Hiburune 9:14**

**Bayo nyondi nan na ra, Kraisti wunla dangu na ra pon! A bata a nyete fi Alla ma saraxa kamalixin na Alla a Nii Sarinyanxin barakani. A wunla en bonyen sarinyanma nen kewanli fune ma nanara en wale Alla xa.**

# **EN KISIXI DENKELEYAN NAN XƆN MA MARI YESU KRAISTI BARAKANI**

**Efesa Kane 2:8, 9**

**AmasƆtƆ Ǝ kisixi Alla nƎman nan xƆn ma denkeleyan barakani. Ɛtan funfun mi na ra, Alla ki sen nan na ra. NyƎtƎ ma tƆxƆ yo mi nai amasƆtƆ a mi a ligaxi Ǝ gbe wanla xa xƆn ma.**

**Rome Kane 5:1**

**Bayo Alla bata en na tinxin a yerai denkeleyan xƆn ma nanara bƆnyƎ xunbenla entan nun Alla tagi Mari Yesu Kraisti barakani.**

**AmasƆtƆ xa en tugunxi Yesu Kraisti ra, xa i banxulanxi, xa i mi banxulanxi, na mi fe fe fanyƎ Ǝ ma mume! FƆ denkeleyana naxan walima xanuntenyani.**

**— Galesi Kane 5:6**

**AmasƆtƆ Alla din birin nƆma dulunya fe nyaxine nƆƎ nƎn. En dulunya fe nyaxine nƆma kin naxanyi, na ni ito ra, en nya a nƆma en ma denkeleyan nan xƆn ma.**

**— 1 YƆni 5:4**

**YƆni 20:31**

**KƆni itoe sƎbƎxi nƎn Ǝ xa la a ra fa fala Alla Di XƎmena Yesu, kisi muxun na a ra. Ǝ na denkeleya a ma, Ǝ habadan niin sƆtƆma nƎn a xinli.**

**YƆni 6:28, 29**

**E yi a maxƎdin, e naxa, “Nxutan nanfe ligama, nxu yi Alla wanla liga.” Yesu yi e yabi, a naxa, “Alla waxi naxan xƆn ma na wanlani ito ra, a naxan xƎxi, Ǝ xa denkeleya a ma.”**

# **ALLA A KININKININNA FE**

## **Yaburi 103:11**

**Alo kore xonna nun bəxə xonna tagi kuya ki naxanyi pon, Alla a xanuntenyan gbo na kinni a ye ra gaxu muxune xa.**

## **Yaburi 103:17**

**Kəni, Alla a xanuntenyan nai a ye ra gaxu muxune xa habadan. Alla a tinxinyan na a ye ra gaxu muxune gbe mamandenne xa habadan.**

## **Maika 7:18**

**Alla gbete yo mi na alo itan. Itan i ya muxune ma fe luma e haken na. I i ke tongone ma fe luma nen naxe na lu e niini. I mi luye xələxi habadan amasəto a ra fan i ma i xa i ya kininkinin na yita nxu ra.**

## **Yaburi 108:4**

**Amasəto i ya xanuntenyan gbo han dangu kore xonna ma. I ya nyəndin gbo han a bata kəre xonna li.**

## **Lamatesən 3:22, 23**

**Marigin bata kininkinin en ma, nanara en mi halagixi. A kininkinin na mi dəsə habadan. A nenen na a ra xəton yo xəton. N Marigina, i ya lannayan gbo.**

## **Taita 3:5**

**A en kisi nen. A mi na liga en ma kewanli fanyine xa fe ra fə a kininkininna fe ra. A bata en na kisi amasəto a bata en haken xa en ma nanara en bata xali sənən nanara Alla a Nii Sarinyanxin bata nii nenen fi en ma.**

# **FA MARI YESU MA**

## **Matiyu 11:28**

**Muxun naxan birin bata xadan a goron binyen na, ε fa ntan ma, n xa matabun fi ε ma.**

## **Lankenemaya 22:17**

**Awa, Alla a Nii Sarinyanxin nun na sungutunnatixina a falama, e naxa, “Fa be!” Muxu yo a me, na fan xa a fala, a naxa, “Fa be!” Xa min xonla naxan ma, naxan waxi habadan nii yigen xon ma, ε fa ε min, a saren mi na.**

## **Yoni 7:37**

**Malanna na nyan lɔxoni, Malan gbee nan yi a ra dangu bonna ra, Na waxatini Yesu yi ti, a a fala xuini te, a naxa, “Xa min xonla muxu yo ma, a xa fa ntan fema, a fa a min.**

## **Isaiya 55:1**

**Marigin naxa, a min xonla muxu yo ma, ε hon yigena. Kɔbiri mi etan naxan yi, ε fa ε sa donsɛn sara ε yi a don. Fa ε sa wainin sara enun nɔnɔna, i mi se bama a fe ra.**

## **Isaiya 1:18**

**Marigin naxa, “ε fa, en fa fenei tɔn. Hali haken to ε ma alo se gbenla dugin suxuma ki naxanyi, n nya ε ma xama nen ε sarinyan alo dugi fixena. Hali i haken gbɛli han a dangu ai, n nya a xama nen a fixa alo bagi fixena.**

## **Luka 14:17**

**Na malanna waxatin nyeteni, a yi a waliken na siga, a xa sa a fala a xonyene xa, a e xa fa, sen bata yelinyi tɔnyε!**

# **ALLA DIN MI MUXUN BIRIN XA RA**

## **1 Yəni 3:10**

**Tagibana Alla dine nun Setani a dine tagi kin na-xanyi, na ni ito ra. Naxan mi fe tinxinxin ligama hanma a a nga xa kedenna xanu, Alla di mi na ra.**

## **Rome Kane 8:14, 15**

**Alla a Nii Sarinyanxin naxe yi ra suxi, Alla a din nan ne ra. Amasəto Alla a Nii Sarinyanxin naxan fixi e ma, na mi e findixi konyin na, e gaxu kəni a bata e findi Alla dine ra. Nba, nanara en nya Alla xili bama fa fala, “N fafe,” Alla a Nii Sarinyanxin barakani.**

## **Filipai Kane 2:15**

**A e xa findi son taren na e sarinyan. E xa findi Alla di fanyine ra dulunya muxu nyaxini itoe tagi. E nema Kibaru Fanyina liye, e xa findi e xaye degen na alo sarene degema kore ki naxanyi.**

## **2 Kərenti Kane 6:17, 18**

**Nanara Marigin naxa, “Fə e xa keli ne fəxo ra. E xa fata ne ma feu! E nama fe xəsixi yo liga, n nya e ra suxuma nən nai. N findima nən e fafe ra, e findi n ma di xemene nun di temene ra. Senben birin kannu, Marigina, a xuin na na ra.”**

## **Yəni 1:12**

**Kəni ndee yi a ra suxu, e denkeleya a ma nanara a senben fi e ma, a yi e findi Alla din na.**

## **Matiyu 7:21**

**“Muxun naxan birin a falama fa fala, ‘Marigina, Marigina!’ na birin mi soe Alla Mangayani fə n fafe naxan ariyannai naxan na ra fan fe ligama.”**



# **ALLA ITO NAN FALAXI BERE MIN FEN NA**

## **Galesi Kane 5:19-21**

**Muxuya fonna kenyan minixi nen kenenni feu! A fen naxe ligama ne ni ito ra, yalunyana, fe xaxina, enun fe kobina enun ki den batuna enun kwɛɛrayana enun muxu nyaxiyana enun yengena enun xaxɔlɔnyana enun xɔlɔna enun nyɛtɛi gbona enun murutena, enun bode tagi taxuna. E milɛxi, e beren minma. E haramu sumuna nan tun ligama. E na fen sifane nan ligama. N na falama ɛ xa iki alo n nya a fala ɛ xa kin naxanyi, n naxa, “Muxun naxe na fe sifane ligama ne mi Alla Mangayan sɔtɛ.**

## **Isaiya 5:11**

**Gbalona e yɛ ra naxe kelima xɔtɔnni e sa bere de xɔdɛxɛn min, han kwɛɛ tagini han beren yi e suxu.**

## **Rome Kane 13:13, 14**

**En xa en sigati kin na tinxin alo entan kenɛnyi muxune sigan tima kin naxanyi. Ɛ nama mananmananya liga, hanma bere minna hanma yalunyana hanma fe xɔsixinɛ hanma yengena hanma xaxɔlɔnyana, Kɔni ɛ xa Mari Yesu a yengɛ so sene tongo. Ɛ fata ɛ muxuya fonna ra fan fene ligama enun a sagone.**

## **Paraba 23:31, 32**

**Bere minna nama i magberɛnken. Hali a to gbɛli ki fan, hali a to ma to ki fan yilengenna kwi, hali a to min nyaxun, a nama i magberɛnken. Na xɔtɔn bode i ligama nen alo sanyin nan i xinxi.**

## **SØBE MI MUXUNE KISÈ**

**Matiyu 22:37, 38**

**Yesu yi a yabi, a naxa, “I xa i Marigina Alla xanu i bonyen birin na, a fen xa lu i niini waxatin birin. I xaxinla xa lu a fari waxatin birin.” Tønni ito gbo a dangu tønna birin na.**

**Maraka 10:17-22**

**A yi a maxədin, a naxa, “Karaməxə fanyina, n nanfe ligama, n habadan niin sətə?” Yesu yi a maxədin, a naxa, “I n xilima nanfera fa fala muxu fanyina? Muxu fanyi gbete yo mi na fə Alla keden pen! I tønne kolon ba, fa fala, ‘I nama muxun faxa. I nama yalunyan liga. I nama munyan ti. I nama wulen xeɛ. I nama muxun kansun. I xa i nga nun i fafe binya.’” Xemen naxa, “Karaməxə, n bata na tønna birin suxu xabu n din nyərəna ra waxatin naxanyi.” Yesu yi a xanu, a yi a ma to pin! A naxa, “Fe keden pe nan luxi. I xa i yi sen birin sara, i kəbirin so yigelitəne yi. I nafunla sətəma nən ariyannai. Na xanbira i fa bira n fəxə ra.” Xemen na mɛ waxatin naxanyi, a yi a yɛ tagini tɔnyən. A bonyen tərəxin yi siga amasətə nafuli gbee kannan yi a ra nun.**

**Paraba 16:25**

**Kirana nde nai muxuna a mirima naxan ma, a a fan kəni a ra nyanna sayan na a ra.**

**Kəni haken nama etan nde yo yanfa, ɛ findi bonyɛ xədɛxɛ kannan ra. ɛ xa ɛ bode mali ləxə yo ləxə, to naxan to ra. Layiri Fonna Kitabun na falama enta nan ma fe ra.**

**— Hiburune 3:13**

# **MUXU YO NAMA I YANFA**

## **Efesa Kane 5:6**

**Ɛ nama tin muxu yo xa Ɛ yanfa fala fun na. Amasɔtɔ Alla xɔlɔn fama fala suxu tarene xilima na fe sifane nan ma fe ra.**

## **1 Kɔrenti Kane 6:9, 10**

**Ɛ nyetɛna a kolon yati, fa fala muxu nyaxin mi Alla Mangayan sɔtɛ. Ɛ nama Ɛ nyetɛ ma daxu. Amasɔtɔ yanga suxune, enun suxure batune enun yalundene enun xɛmɛn naxe e sama e bode fɛma, hanma munyadene hanma kumadene hanma bere minne, hanma nafigine, hanma tɔn kalane, ne se se mi Alla Mangayan sɔtɛ.**

## **Yemesi 1:22**

**Ɛ nama Ɛ nyetɛ ma daxu. Ɛ nama Ɛ tuli ti Alla a falana tun, fɔ Ɛ xa a liga nɛn.**

## **1 Yɔni 3:7, 8a**

**N ma dine, muxu yo nama Ɛ yanfa. Naxan fe fanyin ligama, tinxin muxun nan na ra alo Kraisti tinxin ki naxanyi. Naxan luma haken ligɛ, Setani gben nan na ra amasɔtɔ Setani bata haken liga xabu a fɔlɔni.**

## **Galesi Kane 6:3**

**Xa muxuna a miri a sen nan atan na kɔni se se mi a ra, a nyetɛn nan tun ma daxuma.**

## **Matiyu 24:5**

**Amasɔtɔ muxu wuyaxi fama nɛn n xili, e yi a fala, e naxa, ‘Kraisti nan ntan na yati,’ e muxu wuyaxi ma yenden.**

## **HAKEN FAMA HABADAN SAYAN NAN NA**

**Haken faxi dulunyai muxu keden nan ma fe ra nanara sayan fan bata fa hakena fe ra. Nanara sayan faxi muxun birin ma na kinni amasoto muxun birin baa haken liga. — Rome Kane 5:12**

### **Yemesi 1:15**

**Nanara muxuna miri nyaxina fudikan waxatin naxanyi, a haken nan xalima. Hakena gbo ai waxatin naxanyi, a ra nyanna sayan na ra.**

### **Rome Kane 8:6**

**Xa i xaxinla lu muxuya fonna xon ma, na ra nyanna sayan na a ra. Koni xa i xaxinla lu Alla a Nii Sarinyanxin na fan fene xon ma, na ra nyanna i habadan niin nun bonye xunbenla nan sotoma.**

### **Esikiya 18:20**

**Muxun naxan na haken liga, na faxama nen. Di xemen mi toroma a fafe hakena fe ra. Fafe fan mi toroma di xemena hakena fe ra. Muxu fanyin fe fanyin naxan ligama a na kontonna nan sotoma. Muxu nyaxin toroma a fe nyaxi ra ban nan xon ma.**

### **Luka 15:32**

**Koni a lan en xa malan na ti, en sewa amasoto i xunyan bata yi faxa nun koni a niin baa bira ai iki. A bata yi tunu nun koni iki n bata a to.**

### **Paraba 11:19**

**Muxun naxan wama a xon ma i xa tinxin xaxili ra gidini i luma nen i niini. Koni muxu yo luma fe nyaxin lige na faxama nen.**

# **KRAISTI BATA SAYAN NO**

**Luka 7:14, 15a**

**A sa a yin din binbin na, naxe sigama xemen na, ne yi ti, Yesu naxa, “Banxulanna, n nya a falama i xa, keli, i ti!” Faxe muxun na yi keli, a folo falan tie.**

**Yoni 11:43, 44**

**A na fala waxatin naxanyi, a yi a xuini te, a naxa, “Lasarasi, mini yinla ra.” Faxe muxun yi keli bilinganna kwi, a sanna nun a yine ra xidixi kasangen na ra, a xun na fan ma xidixi kasangen na ra. Yesu yi a fala e xa, a naxa, “E xa a ma fulun, e yi a yiba, a xa siga.”**

**Yoni 10:17, 18**

**“N Fafe Alla bata n xanu amasoto n nya n niin fima nen, alogo n nya a sote ki naxanyi sonon. Muxu yo mi n niin be n yi. N nya a fie n nyete sagon na. Senbena n yi, n nya a fi. Senbena n yi, n mon yi a tongo sonon. N Fafe n tixi na nan na.”**

**Lankenemaya 1:18**

**Nta nan nii kanna ra! N faxe nen, koni a ma to, n niina nyi habadan! Senbena n yi sayan nun laxira xun na.**

**1 Korenti Kane 15:3, 4**

**N naxan soto Alla ra, n bata e xaran na ra, fe gbeen nan na ra fa fala Kraisti bata faxe en hakena fe ra alo a sebexi Layiri Fonna Kitabun kwi kin naxanyi. E yi a ma luxun, a soge saxande loxoni, Alla yi a ra keli sayani barinne tagi alo Layiri Fonna Kitabuna a falaxi ki naxanyi.**

# ALLA A TONNE

## Duturanami 5:7-21

Ɛ nama se gbete batu fo ntan Alla keden pena.

Ɛ nama batu se gbete ra fala naxan ligaxi alo sen naxe kore xonna ma hanma dulunya itoi hanma yigen bun ma.

Ɛ nama ɛ xinbisin batu se yo bun ma ɛ wanla ke a xa . . .

Muxu yo Alla xinla tongo ɛ yi a ra wali fu fa fu. Marigin na kanne yalagima nen naxan a xinla tongoma a ra wali fu fa fu.

Ɛ xa matabu loxon suxu, ɛ yi a binya. Ɛ xa na liga alo ɛ Marigina Alla bata ɛ yamari ki naxanyi.

Ɛ xa wali soge sennin, kɔni a solo fere deni ɛ xa ɛ matabu na loxoni, amasoto ɛ Marigina Alla a gbe matabu loxon nan na ra . . .

Ɛ xa ɛ nga nun ɛ fafe binya alo ɛ Marigina Alla bata ɛ yamari ki naxanyi . . .

Ɛ nama muxun faxes.

Ɛ nama yalunya liga.

Ɛ nama munyan ti.

Ɛ nama wulen seren ba muxu yo xili ma.

Ɛ nama mile i dɔxo bodena nyaxanla ma. Ɛ nama mile i dɔxo bodena banxin ma, hanma a xena hanma a wali kene hanma a nyingene hanma a sofanla hanma se se ne ɛ dɔxo boden yi.

## Yoni 13:34

“N tɔn nenen naxan soma ɛ yi, ɛ xa ɛ bode xanu. Alo n nya ɛ xanuxi ki naxanyi, ɛ xa ɛ bode xanu na kinni.”

# **I MI NƆƐ I LUXUNYƐ ALLA MA**

**Yobu 34:21, 22**

**Muxun na siga dɛ dɛ a yɛna ɛ ra. Na dimi yo mi nai naxan haƙɛ kanne luxunye Alla ma.**

**Yaburi 139:8 enun 12**

**Xa n siga kore xɔnna ma, itan nai. Xa n nya n sa laxirai, itan nai . . . Kɔni dimin mi soma itan ma amasɔtɔ kwɛɛn ligaxi itanyi nɛn alo yanyina. Dimin nun kɛnenna keden itanyi, e mi fataxi.**

**Yɛramaiya 23:24**

**Marigin naxa, “Muxu yo mi nɔɛ a luxunye wun-doni n mi a toɛ dɛ naxanyi. Ɛ mi a kolon fa fala n yiren birinyi, kore xɔnna ma enun dulunyai?”**

**Paraba 15:3**

**Fen naxan birin ligama yiren birinyi, Marigin na birin toma. En fe fanyin nun a nyaxin naxan ligama a na birin toma.**

**Luka 8:17**

**Fen naxan birin luxunxi, ne minima nɛn kɛnɛnni. Wundo fen birin minima nɛn kɛnɛnni.**

**Xɛrane Gbe Kɛwanle 17:27**

**“Alla na ligaxi nɛn nanara e xa a fen, yanyina-nde e a toma nɛn, xa e e yɛ ra konyin. Kɔni hali na, a mi makuya en se se ra.”**

**Hiburune 4:13**

**Fe fe mi luxunye Alla ma. Dali sen birin kɛnenna ma a yɛ tagi, a fere mu na fɔ en birin xa en nyɛtɛ dɛntɛgɛ a xa.**

# **MUXU NYAXINE HALAGIMA NEN**

## **Matiyu 13:41, 42**

**Ntan Muxun Di Xemena,, n nya n ma malekane ra sigama nen, naxe birin muxune tima hake ligan na enun fe nyaxi ra ban birin ma lanma nen, e yi e ba n ma Mangayani. E yi e ra woli wonson teeni, wugan nun nyinna xinna yiren naxanyi.**

## **Matiyu 18:8**

**Xa i yina hanma i sanna i bira hakeni, a sege a ra, i ya a woli ai! I yi dungin nun i san dungin sona habadan niini, na lan dangu i yi firinna nun i san firinna sona yahannama teeni.**

## **2 Pita 3:7**

**Koni kore xonna nun dulunya naxan na iki, ne maraxi Alla fala keden pen nan xon ma, e halagi fena teen na. Alla e marama na laxon nan ma fe ra han muxu nyaxine kitin sa waxatin naxanyi, e halagi.**

## **Yaburi 9:17**

**Fe nyaxi ra bane nun siyan birin naxe e mexi Alla ra, e ra nyan na sayan na a ra.**

## **Matiyu 25:46**

**Awa, ne ra sigama nen habadan toroni. Tinxin muxune sigama nen habadan niwayani.**

## **Lankenemaya 20:15**

**Xa muxu yo xili mi sebexi habadan nii kitabuni, na wolima wonson teeni nen.**



# **ALLA MUXUN BIRIN NA KITIMA NEN TIN LƆXƆNI**

**Xerane Gbe Kewanle 17:31**

**Amasɔtɔ a bata na lɔxɔn na gidi a dulunya birin kitin bolonma nen na waxatini tinxinyan na, na muxun naxan yebaxi a xɔn ma. A ra keli fena sayani, a bata a yita muxun birin na!**

**2 Pita 2:9**

**Nanara Marigina a muxune ra tangama kin naxanyi tɔrɔni, a na kolon. A muxu nyaxine marama kin naxanyi e tɔrɔni han e kiti sa waxatini, a na fan kolon.**

**1 Yɔni 4:17**

**Xanuntenyan na kamali entanyi waxatin naxanyi, en xaxili ra gidin sɔtɔma Kiti Lɔxɔni na nan ma fe ra. Amasɔtɔ alo Yesu Kraisti kin naxanyi, en fan na kinni dulunya itoi.**

**Hiburune 9:27**

**A fere mi na fɔ muxun birin xa faxa sanyai keden, na xanbira Alla yi kitin sa.**

**2 Kɔrenti Kane 5:10**

**Amasɔtɔ a fere mi na fɔ en birin xa ti kenɛnni Kraisti a kiti sa den ye tagi. Muxun keden kedenna birin a kɔntɔnna sɔtɔma nen, alo a lanxi a ma kin naxanyi, xa a fe fanyin na ba hanma fe nyaxina a fati bendeni itoi.**

**Rome Kane 14:12**

**En keden kedenna birin en nyete dentegema nen Alla xa.**

# **MARI YESU NEMAN NAXAN FIXI EN MA**

## **Rome Kane 5:15**

**Kɔni ne firinna keden mi a ra amasɔtɔ Alla a ki sen nun en benba Adama hakɛna, keden mi a ra. Muxu wuyaxi bata faxa muxu keden na hakɛna fe ra kɔni Alla nɛman gbo dangu na a ra. Nba, Alla ki sen fan na kinni muxun birin xa muxun kedenna barakani, Mari Yesu Kraisti yati nan na ra!**

## **Rome Kane 9:16**

**Nanara muxuna fan fena hanma a kɛwanla xɔn ma, na mi a ra fɔ Alla kininkininna xɔn ma.**

## **1 Pita 5:5b**

**Alla waso muxune ma godoma nɛn kɔni a nɛman fima nɛn dinya muxune ma.**

## **Xɛrane Gbe Kɛwanle 4:33**

**Xɛrane yi findi Mari Yesu ra keli seren na. E yi a fala senben na. Alla yi duba e birin xa kati!**

## **2 Kɔrɛnti Kane 9:15**

**En xa barikan bira Alla xa a ki sena fe ra naxan sare gbo han dangu ai.**

## **2 Kɔrɛnti Kane 8:9**

**Amasɔtɔ ɛ Mari Yesu Kraisti a nɛman kolon. Nafuli kan gbee nan yi a ra. Kɔni a bata a nyɛtɛ findi yigelitɔn na ɛ fe ra nanara ɛ findɛ nafuli kanna ra a yigelitɔyan xɔn ma.**

# **TUBA FENA**

## **Xerane Gbe Kewanle 17:30**

**Alla a mi na waxatine yatexi, na waxatini muxe mi fe kolon, kɔni iki, a bata muxun birin yamari, a e xa xetɛ, e ba e fe nyaxineyi.**

## **Luka 13:3**

**En, en de! N xa a fala ɛ xa, xa ɛ mi ɛ xun xanbi so ɛ hakenei, ɛ tubi, ɛ birin faxana nen alo bonne.**

## **Xerane Gbe Kewanle 3:19**

**Nanara ɛ tubi, ɛ fa Alla ma nanara a ɛ hakene xe ɛ ma feu!**

## **Xerane Gbe Kewanle 2:38**

**Pita yi a fala e xa, a naxa, “Ɛ keden keden lan birin xa ɛ xun xanbi so ɛ hakenei, ɛ tubi, ɛ banbataxi Yesu Kraisti xinli nanara Alla ɛ ma fe luye ɛ hakene ra, ɛ yi Alla a Nii Sarinyanxin sɔto.**

## **Matiyu 3:2**

**A naxa, “Ɛ xun xanbi so ɛ hakenei amasɔto Alla Mangayan bata ma so!”**

## **2 Kɔrenti Kane 7:10**

**Amasɔto bɔnye kalan naxan kelixi Alla yi, na faxi tubin nan na ɛ xa, a findi kisi fen na ɛ xa nanara mɔne yo mi nai. Kɔni dulunya bɔnye kalana a findima sayan nan na.**

## **Luka 15:7**

**“N xa a fala ɛ xa, a na kinni, sewa tima nen ariyannai hake kan keden tubixina a fe ra dangutinxin muxun tonge solo ma naanin enun solo ma naanin na ra naxe mirixi a ma fa fala e mako mi tubin ma.”**

# **ALLA I MA FE LUMA NEN I HAKEN NA**

## **Matiyu 6:14**

**Amasoto bonne bata fe nyaxin naxan liga e ra, xa e ne ma fe lu ne ra, e Fafe Alla naxan ariyannai, na fan e ma fe luma nen.**

## **Esikiya 18:21**

**Xa muxu nyaxin fata hake ra bama, a yi n ma tonna suxu, xa a tinxin fen na ba enun fe fanyina, i luma i niini nen, i mi fexe.**

## **Lankenemaya 3:20**

**I tuli ma ti. N tixi deen na, n nya a ma konkonma. Naxan na n xui me, a deen na bi, n soma nen na banxini. N nya n dege a fema, atan fan a degema nen n fema.**

## **Isaiya 55:7**

**Muxu nyaxine xa e kenyan yiba, e xa e mirine ma xete. E xa fa Alla ma nanara a kininkininye e ma, a e ma fe luma nen mafuren.**

## **Xerane Gbe Kewanle 5:31**

**Alla yi a ra keli, a a dexo a yi fanna ma, a a findi Kuntigin nun Kisi Muxun na nanara a feren fi Isirela muxune ma a e xa tubi, a yi e ma fe lu e haken ra.**

**Yesu e denkeleyan to waxatin naxanyi, a yi a fala fati ma faxaton xa, a naxa, "N ma di, i bata ma fe lu i haken na." — Maraka 2:5**

**A yi a yabi, a naxa, "N fafe, hali muxu keden mi luxi be." Yesu naxa, "Nba, ntan fan mi i yalagima. I xa siga koni i nama haken liga sonon." — Yoni 8:11**

# **I NAMA DULUNYA FENE XANU**

**Taita 2:11, 12**

**Amasoto Alla bata a neman ma yita muxun birin na kisi fen na. Neman na en xaranma, a en xa fata Alla yera gaxu tareyan na enun dulunya mirine, a en xaranma, a en xa en nyete suxu ki fanyi, enun tinxinyana enun en yi findi Alla yera gaxu muxun na dulunya itoi.**

**2 Timoti 4:10**

**Amasoto Dimasi bata keli n fema dulunya xanuntenyana fe ra. A bata siga Tesalonaikai. Kare-sen yi siga Galesiya, Taita yi siga Damitiyai.**

**Efesa Kane 5:11**

**Muxun naxe dimin gbe fe fune ligama, e nama bira ne foxo ra, e fan yi na nyoxon liga fo e xa ne ra mini kenenna nan ma.**

**Isaiya 1:16**

**I nyete ma xa, i sarinyan. N nya i toma fe nyaxin naxan birin lige, i fata a birin ma. Awa, i xa fata fe nyaxi ra ban ma.**

**1 Yoni 2:15, 16**

**E nama dulunya muxu nyaxine xanu enun sen naxan e yi. Xa e dulunya xanu, Fafe Alla gbe xanuntenyan mi e yi nai. Amasoto fen naxan birin dulunyai, alo fatin gbe miri nyaxina, enun milena enun fen naxan muxun wasoma, ne mi fataxi Alla xa ra fo dulunyai.**

**E xa e miri na fene ma nai, e nama e miri dulusya ito fene ma.**

**— Kolosi Kane 3:2**

# **FƆ I XA XALI SƆNƆN**

## **Ɛsikiya 36:26**

**N bɔnyɛ nɛnɛn nun xaxili nɛnɛn soma ɛ yi nɛn. N nya ɛ bɔnyɛ xɔdɛxɛn bama ɛ yi nɛn, n bɔnyɛ fanyɪ so ɛ yi.**

## **1 Yɔni 2:29**

**Ɛ a kolon fa fala Kraisti muxu tinxinxin na a ra. Ɛ mɔn xa a kolon fa fala muxun naxan tinxin-yan ligama, Alla Din nan na ra.**

## **2 Kɔrɛnti Kane 5:17**

**Muxu yo na tugun Kraisti ra, na bata findi muxu nɛnɛn na. Fe fonne bata nyan, fe nɛnɛne bata fa.**

## **1 Yɔni 5:18**

**En nya a kolon fa fala Alla di yo mi luyɛ haken na bɛ. Amasɔtɔ Alla a Di Xɛmena a kantanma nanara Setani mi a suxɛ.**

## **Yɔni 3:3**

**Yesu yi a yabi, a naxa, “N xa nyɛndin fala i xa, xa muxun mi xali sɔnɔn, a mi nɔɛ Alla Mangayan toɛ.”**

## **1 Pita 1:23**

**Amasɔtɔ ɛ bata xali sɔnɔn Alla habadan nii falan barakani alo dina, hali fatin kiran mi a ra fɔ habadan niin xɔn ma.**

## **Yɔni 10:10**

**“Munyaden mi fama fe fe ra fɔ munyatina, enun muxu faxana enun kalana. N bata fa, ɛ xa habadan nii fanyin sɔtɔ han a dangu ai.”**

## **EN YI FAXAXI NUN HAKENI KONI EN BATA NIMAYA KRAISTI XON MA**

### **Efesa Kane 2:1 enun 6**

**Ɛ yi faxaxi nun a fələni Ɛ fala suxu tareyana fe  
ra enun haken yi. A yi entan nun Yesu Kraisti ra  
keli en bode xon ma sayani, en yi kuntigiyan liga a  
fema kore xonna ma.**

### **Koləsi Kane 3:1**

**Ɛ nun Kraisti bata ra keli Ɛ bode xon ma, Ɛ bata  
nii nenən sətə a barakani nanara Ɛ xa Ɛ xaxili sa  
ariyanna fene fari, Kraisti dəxi a binyeni Alla yi  
fanna ma yiren naxanyi.**

### **1 Pita 2:24**

**Kraisti nyeten bata en haken goronna tongo a  
nyeten fati bendeni, e a gbangban wudin ma waxa-  
tin naxanyi, a faxa. Nanara en fexe hake ma, en yi  
lu tinxinyani. Ɛ kendeɣaxi a gbe maxələn nan xon  
ma.**

### **Galesi Kane 5:24**

**Muxun naxe bata findi Yesu Kraisti gben na, ne  
bata e muxuya fonna kenyan nun a ra fan fene,  
enun fe nyaxine enun e mirin birin bata faxa.**

### **Rome Kane 6:2 enun 11**

**En, en, de! En bata faxa en haken ma nun, en  
fa luma hakeni nai di? A na kinni, Ɛ xa Ɛ miri Ɛ  
nyete ma alo muxun na faxa haken ma. Koni a  
nimayan ligama nen Alla yi a tugun Yesu Kraisti  
ra.**

# **HABADAN NIINA FE**

## **Galesi Kane 6:8**

**Xa a muxuya fonna findi a a xen na, a sansin naxan wolima, a sayan nan xabama nai. Xa Alla a Nii Sarinyanxin findi a a xen na, a sansi wolima nai, a habadan niin nan xabama nai keli Alla a Nii Sarinyanxin yi.**

**Alo Mosisi sanyin maligan na fala sulan na ki naxanyi, a yi a ra te wudin kwe ra wulani, Muxun Di Xemen fan na tema na kinni. Nanara muxu yo na denkeleya a ma, na kanna habadan niin sɔtɔma nen.**

**— Yɔni 3:14, 15**

## **Yɔni 17:3**

**Habadan niin nan ito ra, a muxune xa itan Alla keden pen nan kolon enun Yesu Kraisti i naxan xexi.**

## **Yɔni 3:36**

**Muxu yo na denkeleya Alla Di Xemen ma, habadan niin na kanna yi. Muxu yo mi Di Xemen na falan suxu, na mi habadan niin sɔte fɔ Alla xɔlɔn luma nen a xun ma habadan!**

## **Rome Kane 6:23**

**Amasɔtɔ haken sarana nan sayan na kɔni Alla gbe ki sena habadan niin nan na ra Yesu Kraisti barakani.**

## **Yɔni 5:24**

**N xa nyɔndin fala ɛ xa, naxan yo n ma falan mɛ, a denkeleya n xɛ muxun ma, habadan niina a yi. Na mi yalagin sɔtɔma, a bata keli sayani, a so habadan niini.**



# **EN NYA A KOLONMA NEN FA FALA EN BATA KISI**

## **Isaiya 32:17**

**Amasɔtɔ muxun birin tinxin fen nan na bama,  
bɔnyɛ xunbenla nun maratangan luma nen nai  
habadan.**

## **Galesi Kane 4:6**

**Alla bata a Di Xɛmɛna a Nii Sarinyanxin na  
godo en xun ma, a so en bɔnyeni, a xa a yita fa  
fala a din nan ɛtan na nanara en nya Alla xilima,  
“Baba.”**

## **Yɔni 14:21**

**“Muxu yo n ma tɔnne suxu, a yi e liga, na bata  
n xanu. Muxu yo n xanu, n Fafe Alla fan na kannu  
xanuma nen, ntan fan yi a xanu, n nya n nyɛtɛ  
yita a ra.”**

## **Rome Kane 8:16**

**Alla a Nii Sarinyanxina en bɔnyeni, a seren  
bama, a Alla a din nan entan na.**

## **1 Yɔni 3:18, 19**

**N ma dine, en ma xanuntenyan nama findi falan  
na tun, fɔ a xa findi xanuntenyan nyɛtɛn nan na en  
ma kɛwanle xɔn ma. En nya a kolonma na nan ma  
fa fala en nyɛndinni enun en xaxili ra gidima  
nen Alla yɛrai.**

## **1 Yɔni 4:13**

**Alla bata a Niin fi en ma nanara nxu bata a  
kolon fa fala nxu Allai, Alla nxu bɔnyeni.**

# **KRAISTI BATA SEWAN FI EN MA**

## **Yōni 17:13**

**Nba, iki n sigama i konni, n bata itoe fala dulunyai nanara e xa n ma sewa gbeen sɔtɔ e bɔnyeni kati!**

## **Rome Kane 14:17**

**Amasɔtɔ Alla a Mangayan mi donsɛn nun min sɛn xa tun na, fɔ tinxinyana enun bɔnyɛ xunbenla enun sewana, Alla a Nii Sarinyanxin naxan fixi en ma.**

## **Galesi Kane 2:20**

**Nanara n bata faxa n ma muxuya fonna ma. N muxuyan naxanyi iki, Kraisti gbe muxuyan nan na a ra. N kiran naxan xɛn ma iki, n na kiran xɛn ma denkeleyani Alla a Di Xɛmɛn nan xɛn ma naxan bata n xanu, a faxa n ma fe ra.**

## **Isaiya 12:3**

**Yige fanyin min xɔlitɔn na sewama ki naxanyi, ɛ fan sewama na kinni Alla na ɛ ra kisi waxatin naxanyi.**

## **Yōni 15:11**

**N bata ito fala ɛ xa nanara n ma sewan xa lu ɛtanyi, ɛ gbe sewan yi dɛfe.**

## **Yaburi 16:11**

**I habadan nii kiran yitama n na nɛn. Xa n nya i fema n sewama nɛn, na ra fan n ma han!**

## **Yōni 16:24**

**“Han iki, ɛ munma Alla ma xandi n xinli fe fe ra singen. ɛ Alla ma xandi n xinli, ɛ a sɔtɔma nɛn nanara ɛ sewan yi dɛfe.”**

# **FO EN XA MARIGIN SAGON LIGA**

## **1 Samuweli 12:15**

**Kɔni xa ɛ mi tin ɛ tulima tiye Marigin xuin na, ɛ tondi a yamarin suxe, a kelima ɛ xili ma nen.**

## **Rome Kane 6:16**

**Amasɔtɔ ɛ ito kolon yati! Ɛ na ɛ nyete so naxanyi, ɛ bata findi na kanna konyin na i naxan ma fala suxuma. Xa haken gbe konyin nan itan na, na ra nyanna, sayan na a ra. Hanma xa i ya Alla a sagon ligama, na konyiyan na, na a ra nyanna, Alla i ra tinxinma nen a yerai.**

## **2 Tesalonaika Kane 1:7-9**

**Ɛtan naxe tɔrɔxi, a matabun fima ɛ ma nen enun entan fan. Alla na ligama nen, Mari Yesu na mini kenenni waxatin naxanyi, enun a maleka senbe kanne. A fama tɛɛ dege gbeen nan xɔn ma, a yi Alla kolon tarene tɔrɔ enun naxe mi Mari Yesu Kraisti a fe Kibaru Fanyin suxuma. Ne habadan tɔrɔn sɔtɔma nen, e halagi, e keli Marigin nun a binye ma gaxuxin ye tagi.**

## **Duturanami 11:26-28a**

**To n nya a ligama ɛ xa duban nun dangan ye ma to, ɛ keden tongo. N dubama ɛ xa nen xa ɛ Marigina Alla yamarine suxu n naxan sɔma ɛ yi to. Kɔni xa ɛ mi ɛ ɛ Marigina yamarine suxu ɛ dangan bun ma.**

## **Lankenemaya 22:14**

**Muxu sewaxin nan ne ra naxe e dugine xama, e yi e sarinyan, nanara e senben sɔte, e habadan nii wudi bogin don, enun e so na taani.**

# **FO EN XA EN TIYE A RA EN DEENI FA FALA MARI YESU KISI MUXUN NA A RA**

## **Filipai Kane 2:11**

**Nba, muxun birin a tima a ra nen kenenni fa fala Yesu Kraisti Marigin na a ra Fafe Alla binyena fe ra.**

## **Matiyu 10:32, 33**

**Yesu naxa, "Muxu yo a tiye a ra nyama ye tagi fa fala n gben nan atan na, n fan na nyoxona ligama a xa nen n Fafe Alla ye tagi ariyannai. Koni muxu yo a me n na nyama ye tagi, ntan fan n mema a ra nen n Fafe ye tagi ariyannai."**

## **Rome Kane 10:9, 10**

**Xa i tiye a ra i deeni fa fala Yesu Marigin na a ra, i denkeleya i bonyeni, a Alla a ra keli nen sayani barinne tagi, i kisima nen. Amasoto en bata denkeleya en bonyeni nanara Alla en na tinxinx i a yerai. En bata en tiye a ra en deeni nanara en kisixi.**

## **1 Yoni 2:23**

**Amasoto naxan a mema Alla a Di Xemena, na bata a me Fafe Alla fan na. Naxan tinma Alla a Di Xemena fe ma, Fafe Alla fan na kanni.**

## **Luka 9:26**

**Xa muxun yagi ntan nun n ma xaranna fe ra Muxun Di Xemen na fa a binyeni waxatin naxanyi enun a Fafe gbe binyena enun maleka sarinyanxine, a fan yagima nen i ya fe ra.**

# **SETANI EN YAXU NYAXIN NA A RA**

## **1 Pita 5:8**

**Ɛ xa Ɛ ye ra konyi kati, amasɔtɔ Ɛ yaxuna, Setani a sigan tima alo yatan kamɛtɔna. A muxune fenma a naxan donma.**

## **Matiyu 4:1 enun 10, 11**

**Na xanbira Alla a Nii Sarinyanxin yi siga Yesu ra wulani a magberenken xila ma Setani yi... Yesu yi a yabi, a naxa, "Setani, keli be! Amasɔtɔ Layiri Fonna Kitabun bata a fala, a naxa, 'I xa i Marigina Alla batu, i wali a keden pe xa.' " Nanara Setani yi keli Yesu fema. Malekane yi fa, e a mali.**

## **2 Tesalonaika Kane 2:9**

**Fe nyaxi ra bana fama Setani senbeni, a taxama-senna nun kabana fen sifan birin liga wuleni...**

## **Ɛfesa Kane 6:11**

**Alla a yenge so sen naxan birin soxi Ɛ yi, Ɛ xa na birin tongo nanara Ɛ nɔɛ tie Setani a kɔtɛ nyaxin birin xun na.**

## **Xerane Gbe Kewanle 26:18**

**Awa, I yi e yen na bie, i yi e ba dimini, i yi e ra fa kenenni, i yi e ba Setani a Senben bun ma, e fa Alla ma. Nanara e haken mafelun sɔtɛ e denke-leya ntan xɔn ma. E yire sɔtɔma nen Alla muxu yebaxine tagi.**

## **2 Kɔrenti Kane 2:11**

**Bayo n mi waxi a xɔn ma, Setani xa en nɔ amasɔtɔ en Setani kenyan kolon.**

# **EN SETANI NŌMA MARI YESU NAN TUN XILI**

## **2 Tēsalonaika Kane 2:8**

**Nba, na xanbira fe nyaxi ra bana minima nēn kenēnni nai Mari Yesu na fa waxatin naxanyi, a a faxama nēn a dēē foyen na, a yi a halagi a binye ma gaxuxin na.**

## **Yemesi 4:7, 8a**

**Nanara ε xa sonoya Alla xa. Ε Setani yenge, a gima nēn ε bun ma. Ε xa ε ma so Alla ra, a ma soma ε ra nēn.**

## **Hiburune 2:14**

**Alo atan ne xilima ki naxanyi, dine, amasōtō muxun ne fati bēnden nun wunla nan ne ra, Yesu nyeten ligaxi nēn alo ne, a findi danyōxōn na. A na liga nēn nanara a Setani a senbē halagē a sayan senbēn xōn ma. Amasōtō senbēna a yi sayan xun na.**

## **Rome Kane 8:35 enun 37**

**Nanse en fatama Kraisti a Xanuntenyan ma? Tōrōn nan na ligan ba, hanma xōdēxēna hanma bēsenxōnyana hanma kamēna hanma yigelitōyana hanma gbalona hanma sayana? Na se se mi nōē a lige . . . Hali na, nōn kamalixina, en yi feni itoe birin xun na, en xanu muxun barakani.**

## **1 Yōni 3:8**

**Naxan luma haken ligē, Setani gben nan na ra amasōtō Setani bata haken liga xabu a fōlōni. Alla a Di Xēmēn minixi kenēnni ito nan ma fe ra yati, a Setani wanle kala.**

# **FƆ YESU A FƆXƆ RA BIRANE XA E BODE XANU**

## **1 Yəni 4:20**

**Xa muxu na fala fa fala, “N bata Alla xanu,” kəni a a nga xa kedenna ra nyaxuma, wule xelen nan na ra amasəto a munma Alla naxan to singen, a mi nəe na xanuε. A bata a nga xa kedenna naxan to, xa a mi na xanu, a mi nəe Alla xanuε.**

## **1 Kərenti Kane 13:1**

**Hali n falanti muxune gbe xuini enun malekane gbe xuini kəni xa xanuntenyan mi n bənyeni, n falati xuin ligaxi nen nai alo talan bənbə xuina enun karinyan na xuina.**

## **Galesi Kane 5:22, 23a**

**Kəni naxan kelima Alla a Nii Sarinyanxinyi, na ni ito ra, xanuntenyana, enun sewana enun bənye xunbenla enun dinyana enun muxu fanyiyana enun fe fanyina enun denkeleyana enun ma godona enun nyete suxu kina.**

**Yesu yi a fala a xa a firin deni, a naxa, “Simən, Yəni a di xemena, i bata n xanu ba?” Pita yi a yabi, a naxa, “Ɔn, n Marigina, i ya a kolon n bata i xanu.” Yesu yi a fala a xa, a naxa, “I xa n ma yexεene kantan.”**

**— Yəni 21:16**

## **1 Yəni 3:14**

**Amasəto en nya a kolon, en bata keli sayani, en so habadan niini. En bata na kolon amasəto en bata en nga xa kedenne xanu. Naxan mi xanuntenyan ligama, na mən sayani singen.**

# **YESU KELI FENA SAYANI**

## **Xerane Gbe Kewanle 10:39-41**

**A fen naxan birin liga Yahudiya yamanani enun Yerusalen taani, na serene nan nxutan na. E a gbangban wudin ma, e a faxa. Koni a soge saxan de loxoni, Alla yi a ra keli sayani, a a yita nyama ra kenenna ma. Muxun birin munma a to nun fo Alla bata nxutan naxan yebe nun seren na. Alla a ra keli waxatin naxanyi keli sayani, nxutan yi nxu dege a fema, nxu nxu min a fema.**

## **Rome Kane 4:25**

**Mari Yesu naxan faxaxi en hakena fe ra, na bata keli sayani, a yi en na tinxin Alla yera.**

## **Yoni 20:26-28**

**Loxoxun kedenna danguxina, xarandine yi e ma lan banxini saron. Tamasi e fema na waxatini, deene balanxi. Koni Yesu yi fa, a ti e tagi, a naxa, "E bonyen xa xunbeli." Na xanbira a a fala Tamasi xa, a naxa, "I yi sonla ra fa, i xa n yine ma to. I yini bandun, i yi a ra so n nyensenni nanara i nama denkeleya tareyan liga, i xa denkeleya." Tamasi yi a yabi, a naxa, "E! N Marigina, n ma Alla!"**

## **Maraka 16:9**

**Yesu keli barinne tagi waxatin naxanyi sayani, xatin xoton na nan yi a ra. A mini kenenni Meri Magadala kan singen xa, a nyinan solo feren kedi naxanyi.**



# **YESU KELI FENA SAYANI ENTAN YIGIN NAN NA RA**

## **Matiyu 16:21**

**Fəlonə waxatin ma Yesu yi fəlo a fəle a xarandine xa, a naxa, “Fə n xa siga Yerusalenyi, n sa tərə wuyaxi sətə xeme fonne nun saraxarali muxu gbeene nun Tən karaməxəne yi. E n faxama nən, a soge saxan de ləxəni n kelima nən sayani sənən, n niin yi bira nyi.”**

## **Yəni 5:25 enun 28, 29**

**N xa nyəndin fala ε xa, waxatin fama, a bata a li, na waxatini muxun naxe sayan kiran xən ma, e Alla a Di Xemen xui mema nən. Naxe na a falan suxu, ne kisima nən . . . ε nama kabε ito ra, waxatina a limanni ra, na waxatini barinna naxe birin bilingan na kwi, ne a xuin mema nən. E kelima nən bilinganna kwi. Naxe fe fanyin ligaxi, ne kelima nən sayani, e habadan niin sətə. Naxe fe nyaxin ligaxi, ne fan kelima nən, e yalagi.**

## **Rome Kane 6:3-5**

**Amasətə ε a kolon yati, e en bata tugun Mari Yesu Kraisti ra en ma banbatašin xən ma, en mən yi tugun a ra a sayan xən ma. En ma banbatašin xən ma nanara en bata tugun a sayan xən ma alo Kraisti keli barinne tagi ki naxanyi Fafe Alla binyena enun a senben xən ma nanara en fan luma nii nənəni na kinni. Amasətə xa en birin findi keden na a sayan xən ma, en mən findima nən keden na en na keli waxatin naxanyi alo atan kelixi kin naxanyi.**

# **FƆ EN XA SARINYAN ALLA YƆRAI**

## **Luka 1:74, 75**

**A yi a kƆlƆ, a naxa, a a en kisima nƎn. A yi en ba en yaxune yi. A tin, a en xa wanla kƎ a xa hali en mi gaxu. A yi en findi muxu sarinyanxin nun tinxin muxuna, a yƎ tagi en sin birinyi.**

## **2 KƆrƎnti Kane 7:1**

**N yatigi fanyin, layirin ne birin xidixi enta nan xa. Nanara fe fe yo nƎ en fati bƎnden nun en niin xƆsƎ, en nya en nyƎtƎ ra tanga ne ma, i sarinyan. En xa lu fe fanyini waxati birin, en yi gaxu Alla yƎ ra nanara en finde muxu sarinyanxin na.**

**Xa muxu yo a nyƎtƎ ra tanga fe nyaxine ma, a findima walikƎ binyaxin nan na, atan wanla a danna, amasƎtƆ a lanxi a kanna yi, a wali fanyin sifan birin kƎ nƎn.**

**— 2 Timoti 2:21**

## **1 Pita 1:2**

**Ǝ yƎbaxi nƎn alo Fafe Alla nyƎtƎna a ra gidixi ki naxanyi. A yi Ǝ findi muxu sarinyanxin na a Nii Sarinyanxin barakani, Ǝ Yesu Kraisti gbe falan suxu, Ǝ sarinyan a wunla xƎn ma. Awa, Alla xa nƎma nun bƎnyƎ xunbenla fi Ǝ ma kati!**

## **1 Pita 1:15**

**KƆni fƆ Ǝ xa sarinyan Ǝ kin birinyi alo Alla naxan Ǝ xilixi na sarinyan kin naxanyi.**

**I yi i xƆdƆxƆ, i yi i fangan birin liga, i yi i nyƎtƎ yita Alla ra fa fala a walikƎ fanyin nan itan na, naxan mi yagima a wanla fe ra, naxan xaran na tima Alla nyƎndin falama a kiran xƎn ma.**

**— 2 Timoti 2:15**

# **FO EN XA SARINYAN ALLA YERAI**

## **Isaiya 35:8**

**Kira nai naxan xili “Kira Sarinyanxina.” Hake kan yo mi sigan tiye na kiran xon ma. Muxun naxe na kiran xon ma daxu yo mi ne yanfe.**

## **Hiburune 13:12**

**Na nan a ligaxi Yesu fan yi faxa taa xanbin na, a xa nyama sarinyan e hakenne ma a nyete wunlara.**

## **1 Yoni 1:9**

**Koni xa en nya en ti en haken na Alla xa, en bata la a ra nai amasoto a fe tinxinxin nan ligama, a en ma fe luma nen en haken birin ma, a yi en sarinyan fe nyaxin birin ma.**

## **Matiyu 3:11**

**N nya e banbataasima yigeni, na a yitama nen fa fala e bata tubi. Koni naxan fama ntan xanbira, na e banbataasima Alla a Nii Sarinyanxin nan na enun teena. A gbo ntan xa, ntan mi sa lan nen, n xa findi a sankidi xanla ra.**

## **Efesa Kane 1:4**

**Benun dulunya xa da waxatin naxanyi, Alla bata yelin en yebe nun, a yi en findi a gben na Yesu Kraisti barakani, a en n xa sarinyan, en tinxin Alla yerai. Alla bata yelin a ra gide a xanuntenyani, a a xa fa en na a nyeten ma.**

## **Hiburune 12:14**

**E xa ei xodexo, e lu bonye xunbenli muxun birin xon ma. E xa ei xodexo, e fe sarinyanxine ra ba amasoto muxu yo mi Marigin toma na xanbi.**

# **FỌ EN XA LUGO ALLA A NII SARINYANXIN NA**

**Luka 11:13**

**Alo ɛ nyaxu ki naxanyi, ɛ a kolon fa fala a lan ɛ xa se fanyin so ɛ dine yi, ɛ Fafe naxan ariyannai, naxe a xandima, a a Nii Sarinyanxin soma ne yi nen dangu na ra!**

**Xerane Gbe Kewanle 1:8a**

**Kɔni Alla a Nii Sarinyanxin na godo ɛ xun ma waxatin naxanyi, ɛ senben sɔtɔma nen. Ɛ findima nen serene ra . . . .**

**Ɛsikiya 36:27**

**N nya n ma Nii Sarinyanxin na godoma nen ɛ xun ma. A xa a liga ɛ yi n ma tɔnne suxu, n yamarin naxan birin soxi ɛ yi, ɛ xa ne suxu.**

**Kɔni itan mi ligaxi alo muxuya fonna kin naxanyi. Itan ligaxi nen alo Alla a Nii Sarinyanxina a falaxi i xa ki naxanyi, xa a na kinni, Alla a Nii Sarinyanxina dɔxi i kwi. Amasɔtɔ xa Kraisti a Niin mi dɔxi muxun naxan kwi, Kraisti gbe muxu mi na a ra.**

**— Rome Kane 8:9**

**Xerane Gbe Kewanle 13:52**

**Xarandin naxe yi Antiyaki, ne bɔnyen yi ra fe sewa nun Alla a Nii Sarinyanxin na.**

**Xerane Gbe Kewanle 4:31**

**Ɛ yelixina Alla ma xandɛ, e yi ma lanxi dɛ naxanyi, na yiren yi xuruxurun. E birin yi lugo Alla a Nii Sarinyanxin na. E yi Alla a falan ti xaxili ra gidini.**

# **ALLA A TULISANA DENKELEYA MUXUNE XA**

## **Yaburi 34:18**

**Muxun naxe bonye kalaxi Marigin bata a ma so ne ra. Naxe nimisaxi a bata ne ra kisi.**

## **Isaiya 66:2**

**Ntan nyeten nan sen birin daxi! Naxe bata e fanma godo, e tubi, ne fe bata n kenan enun naxe gaxuxi n ye ra, e yi n sagon liga.**

## **Lankenemaya 21:4**

**A yegen birin ma fitanma nen. Sayan mi lige sonon, hanma bonye ma xaranna hanma wugana hanma maxolona. Fe fonne bata dangi, e nyan.**

## **Yaburi 37:3**

**I xa denkeleya Marigin ma, i fe fanyin na ba. I xa lu na yamanani, i ra tangama nen.**

## **1 Pita 4:12, 13**

**N yatigine, e taron naxan sotoma, e nama kabe na fe ra fa fala fe nenen bata e li naxan mi darixi lige e ra. Koni e xa sewa fa fala e bata e gbe taron soto Kraisti gbe taroni nanara a binyen na mini kenenni waxatin naxanyi, e sewama nen kati!**

## **Matiyu 6:33**

**Koni e xa Alla Mangayan fen singen enun a sagona, na xanbira a seni ito birin soma e yi nen.**

## **Maraka 9:23**

**Yesu naxa, "Itan naxa, a xa n nae a lige, na xa mi a ra! Koni naxan na denkeleya, fen birin ligama nen na xa."**

# **MUXUN NAXE MAGBERENKENXI ALLA BATA LAYIRIN XIDI E XA**

## **Hiburune 2:18**

**Awa, naxe magberenkenni iki, a nɔɛ ne maliye  
nen amasɔtɔ a nyete magberenken nen yati, a tɔrɔ.**

## **Rome Kane 16:20**

**Bɔnye xunbenla kanna, Alla Setani yi terenxe-  
nma nen ɛ sanna bun ma mafuren! En Marigina  
Yesu a neman xa lu ɛ fema.**

## **Yaburi 34:19**

**Muxu fanyin tɔrɔ wuyaxi toma nen kɔni Marigi-  
na a ra tangama nen ne birin ma.**

## **Isaiya 43:2**

**Xa i godo tilinna ma, n nya i fɔxɔ ra. I mi tɔrɛ  
mumɛ! I na so tɛɛni, a mi i ganye. Tɔrɔ gbeen  
naxan i lima, a mi fe fe ligɛ i ra.**

## **Rome Kane 8:28**

**En nya a kolon fa fala Alla wali fanyin ligama  
fen birinyi a xanu muxune xɔn ma, a bata naxe  
xili alo a ra gidixi ki naxanyi.**

## **1 Kɔrenti Kane 10:13**

**Magberenken fe yo munma ɛ li singen naxan  
sifa mi muxun bonne lima. Kɔni Alla mi nyinanxi  
a layirin xɔn ma. A mi tinyɛ Setani xa ɛ magbere-  
nken dangu ɛ fangan na. ɛ na magberenken waxa-  
tin naxanyi fe nyaxin na, a senben fima ɛ ma nen,  
ɛ dinya. Kɔni a mini kiran fima ɛ ma nen keli  
magberenken feni.**

# **MUXUN NAXE BATA SETANI NŌ ALLA BATA LAYIRIN XIDI E XA**

## **Lankenemaya 3:12**

**Naxan na nɔn ti, n na findi senbeten na ra Alla Batu Banxi Gbeen bun ma. A mi be na sɔnɔn mumɛ! N nya n gbe Alla xinla sebema a fari nɛn, enun n gbe Alla a taa nenen xinla, Yerusalen nenen naxan godoma keli ariyannai n gbe Alla fema. N nya n xili nenen fan sebema nɛn a fari.**

## **Lankenemaya 3:5**

**Naxe na nɔn ti, doma fixen na godoma nɛn ne ma. N mi e xinla be habadan nii kitabuni mumɛ! N nya a falama n fafe nun a malekane yɛ tagi nɛn fa fala n gben nan etan na.**

## **Lankenemaya 3:21**

**Naxan na nɔn ti, n senben soma nɛn a yi, a yi dɔxɔ n fema n gbe mangaya dɔxɔ seni alo n nɔn tixi kin naxanyi, n dɔxi n Fafa Alla fema a mangaya dɔxɔ seni iki.**

## **Lankenemaya 21:7**

**Muxu yo nɔn ti, na ito sɔtɔma n yi nɛn. N findima nɛn a gbe Alla ra. A findi n ma di xɛmen na.**

## **Lankenemaya 2:7**

**“Nba, xa tunla i yi, Alla a Nii Sarinyanxin naxan falama sɔsine xa, i xa i tuli ma ti na ra.” A naxa, “Naxe bata nɔn ti, n saratin soma nɛn ne yi, e yi habadan wudin bogin don naxan Alla Nakɔni.”**

# **ALLA BATA FUTU KALA FEN FALA EN XA**

## **1 Kɔrenti Kane 7:10, 11**

**Nba, nyaxalan kanne nun xeme kanne, n falan tima e xa, n gbe tɔn mi a ra, Marigin gben na a ra, a naxa, a nyaxanla nama keli a xemen yi. Xa a keli a xemen yi, a nama siga xeme gbete konyi, xa na mi a ra, a xa xete a xeme singen ma. Xemen fan nama a nyaxanla yi ba.**

## **Luka 16:18**

**“Xemen naxan na a nyaxanla yiba a yi nde gbete futu, na bata yalunya liga. Xemen naxan na nyaxalan yibaxin futu, na fan bata yalunya liga.”**

## **Rome Kane 7:2, 3**

**A misanla nan xeme tara dɔxɔn na amasɔtɔ a xidixi tɔnna yi a xemen xa han a xemen sin yi nyan. Kɔni xa a xemen bata faxa, a bata fulun na tɔnna ra, a yi xidixi naxan na a xemen xa. Nanara xa a dɔxɔ xeme gbete xɔn ma, a xemena a sini, e a xili bama nen yalundena. Kɔni xa a xemen faxa, a yi xidixi tɔnna naxan na, a bata fulun nai. Nanara xa a dɔxɔ xeme gbete xɔn ma, a mi yalunya ligaxi nai.**

## **Matiyu 5:32**

**Kɔni ntan a falama iki, xa muxuna a nyaxanla yi ba, xa nyaxanla mi yalunyan ligaxi, xa xeme gbete a futu, a bata a nyaxanla ti yalunyan na nai. Xa xeme gbete a futu, na fan bata yalunyan liga a xɔn ma.**



# MARI YESU FAN FIRIN DENA A FE

**Lankenemaya 3:11**

**N fama mafuren! Naxan i yi, na mara ken, nanara muxu yo mi i kɛntɔnna bɛ i yi.**

**Maraka 8:38**

**Awa, xa muxun yagi ntan nun n ma xaranna fe ra, Alla kolon tareyana enun waxati nyaxini itoi, ntan Muxun Di Xɛmena fa waxatin naxanyi n Fafe binyeni nxu nun malekan sarinyanxine, n fan yagima nen atan ma fe ra.**

**Yemesi 5:8**

**Ɛtan fan xa dinya na kinni. Ɛ xa ɛ yigin sa na fari amasɔtɔ Marigin fa waxatin bata ma so.**

**Matiyu 24:27**

**Amasɔtɔ alo kuyena a nyinna ma suxuma kin naxanyi mafuren, keli soge mini de sa ti soge godo deni, ntan Muxun Di Xɛmen fama na kini.**

**Matiyu 25:31**

**“Muxun Di Xɛmen na fa a a Mangayani waxatin naxanyi enun malekane birin a fɔxɔ ra, a dɔxɔma nen a a mangaya dɔxɔ seni.”**

**Na xanbira ntan Muxun Di Xɛmena taxama-senna minima nen kenɛnni kore. Dulunya siyan birin wugama nen na waxatini. E ntan Muxun Di Xɛmen toma fe nen kundanni senbeni enun binye gbeen.**

**— Matiyu 24:30**

**N na sa yirena ndei tɔn ɛ xa, n fama nen sɔnɔn, n fa ɛ tongo, n siga ɛ ra n yi nanara n yiren naxanyi, ɛ fan lue n fema nai.**

**— Yɔni 14:3**

# **MARI YESU FAN FIRIN DENA A FE**

## **1 Yəni 3:2**

**N yatigi fanyine, Alla a din nan entan na iki, kəni en ligama ki naxanyi, en mi na kolon, kəni en nya a kolon fa fala Kraisti na mini kenenni waxatin naxanyi, en ligama nen alo atan amasəto en nya a toma nen alo a kin naxanyi.**

## **Lankenemaya 16:15**

**“E tuli ma ti! N fama nen alo munyadena. Naxan a ye ra konyinma, a yi a dagine kantan, muxu sewaxin nan na ra, nanara a ra genla mi sigan tie, a yagi!”**

## **Luka 12:40**

**E fan xa ei tən amasəto e xaxili mi waxatin naxan ma ntan Muxun Di Xemen fama na waxatinni.**

## **Xerane Gbe Kewanle 1:11**

**E naxa, “Galili xemene, e tixi be nanfera, e kore toma? Yesu ito naxan bata keli e tagi, a te kore xonna ma, e a toxi tee ki naxanyi kore xonna ma, a mən fama na kinni sənən.”**

## **Matiyu 16:27**

**Amasəto a luxi ndedi, Muxun Di Xemen yi fa a Fafe gbe binyeni enun a gbe malekane. Awa, n muxun birin saranna fima nen alo e wanle kin naxanyi.**

## **Luka 21:27**

**Ntan Muxun Di Xemen minima nen kenenni, n fa kundani senbe gbeenin enun binyeni.**

# **ALLA A FALANA FE**

## **Luka 21:33**

**Kore xonna nun bəxə xonna danguma nən kəni n ma falan mi nyanye habadan.**

## **Matiyu 22:29**

**Yesu yi e yabi, a naxa, “I bata tantan feu, amasəto ɛ mi Layiri Fonna Kitabun kolon hanma Alla senbena.”**

## **2 Pita 1:21**

**Amasəto waliyiya falan mi faxi muxune sagon xai mume! Kəni Alla a Nii Sarinyanxin nan godoxi muxune xun ma, e yi na fala a barakani.**

## **2 Timoti 3:16**

**Amasəto Alla a Kitabun birin fixi nyama ma a nyete barakani. A lan a xa en xaran nyəndin ma, a lan a xa fen nyaxin ma fala, a lan a xa fene ra tinxin, a lan a xa muxun xuru tinxinyana fe ra.**

## **Yaburi 119:11**

**N bata i ya falan mara n bənyeni nanara n nama hake liga itan Alla ma.**

## **Yaburi 119:105**

**I ya falan ligaxi nən alo lenpuna naxan kira yitama n na.**

## **Hiburune 4:12**

**Amasəto Alla a falana, habadan nii nai. A senben gbo. A segen tima dangu silan fanna ra. A səxonna tima a sondona nun niin fatama a bode ra han fatin tugun deni nun xəri kwi turena. A muxun na fan fen nun a mirine fəsefəsema.**

Published in numerous languages by World Missionary Press, Inc., as God supplies funds in answer to prayer. **For questions or more information by country, visit: [www.wmp-contacts.org](http://www.wmp-contacts.org)**

## **Watson Goodman nan gbukuni ito ra fala.**

**A bata a fi en ma, a mi sarama.**

